



UITAKANU ESHI-NIKANASHTAKANIT TSHE AITINANUT E ATUSSESHTAKANIT TSHISHE-UTSHIMAU TAPUETATISHUN

Eukuan ume nishtuau uenipanitaiat tipatshimun uiauitakanit e atusseshtakanit tshishe-utshimau tapuetatishun. Ume anutshish ushkau-pishimu shuniau tshika uauitakanu nishtuau(3) ishpish e tipanakanit. Ui tshissitutamuku kie eshku apu tshishtapanit e natapishtatinut e uauitakanit tshishe-utshimau tapuetatishun, kie apu tshi uauitakaniti eshku passe tshekuana. Eukuan ut eka miam tshi tshissenitakuat eshpishat e ashtakanit shuniau, muku tshiam eshpitenitakuat tshissenitakuan. Eka uin uni-tshissitutameku tshi natshi-uapatakanu e takuapetshishtet tipatshimun anite nitapunat atusseu-katshitapatakanit anite itetshe « Le traité » eshi-tipanashtakanit.

Tshima minu-tshitapatameku!

www.petapan.ca
info@petapan.ca



10 E TIPANAKANIT – Eshi-ueueshitishinanut shuniatat

- Ute tepanakanit uitakanu tshe minakaniht shunianu Premières Nations, kie ma tshika pitutepanitakannu, mamitshetuiat e utshipannit shunianu mamu tshipa ishpitenitakuannu pushku « milliard » eshi-uitakanit, ume e iashi-tipanashtakanit :
 - e tipanashtakanit shuniau tshe pimipanituatishunanut;
 - eshpish pikushinaimatshenanut;
 - eshpish ashtakanit shuniau ute :
 - Eshpish ashtakanit anite e mishituepanitakanit mak e nanatuapatshenanut;
 - Eshpish ashtakanit anite e kussenanut;
 - Eshpish ashtakanit anite e mishituepanitakanit anite e pakassunanut
 - Eshpish ashtakanit e uitshiuenanut shuniatat

11 E TIPANAKANIT – E uitshi-atussemitunanut shuniatat

- Ute tepanakanit uitakanu etenitakanit mak tshe ishi-pimutenanut tshe ishi-uauitshiakaniht shuniatat anite e tshishe-utshimau tipenimitishuht Premières Nations
- Tshe ishipish uitshiuenanut shuniatat, peikuaht tshika ishpiteitakuan, nikan tshika tshissenitakuan kie tshika tshi ueuetinakanu, uanasse Premières Nations etshi pimipanitat atushkannu kie etshi-uauitshiat innua anite tshe utshipanit e nakatuenitakanit e tipaimakanut mekuat eshpish pitutepanitakanit shuniauh anite innu-takuaikana.

12 E TIPANAKANIT – Eshi-pakuenakanit shuniauh

- Ute tepanakanit uauitakannu innua tshishe-utshimau tshetshi natuenitamuatau utinnimau shunianu kie netakass anitshenat ka takukut tshishe-utshimau tapuetatishunnu ka taht Innu assit (nenua assia ka tipenitakau Premières Nations)
- Ne etshi pakuenakannit ka atusset ushuniham kie netakass ka tat anite Innu Assit tshika tshi katshituku kie peikuan ne eka ka takukut tshishe-utshimau tapuetatishunnu, shash anite nikan etshi nishtutatit ashit tshishe-utshimau.
- Nenua tshe ishpish maushikunahk anitshenat innua tshishe-utshimau uetshipaniti anite netakass mak e pakuenakannit ushuniham ka atusset uinuau nenu tshika tipenimatishuti kie tshika itapashtauat uinuau etenitakau tshi ishi-katshituatau utinnimau.
- Uitakanu ute kie tepanakanit tshe shaputuepanit eka e nashuakaniht innuat miam ka ishi-ueueshtakanit anite « Loi sur les Indiens » nuash ishpish tshissenitakuat tshe ishpish punapanitakanit.
- Tshika takuan tshe ishi-pimutenanut eka e nashuakaniht ka pitutepannit auen anite pet etshi-atusset.

